

Ni Pangulong
Henry B. Eyring

Unang Manuglaygay sa
Unang Panguluhan



Panaksihon kag Pagbag-o

May kinalain sa tunga sang pagbaton sang panaksihon kag sa matuod-tuod nga pagbag-o. Halimbawa, ang dalayawon nga Apostoles nga si Pedro naghatag sang iya panaksihon sa Manluluwas nga nakahibalo sia nga si Jesus Anak sang Dios.

“Si Jesus nagpamangkot sa ila, Apang sin-o bala Ako sa inyo?”

“Nagsabat si Simon Pedro, Ikaw ang Cristo, ang Anak sang Dios nga buhi.

“Kag si Jesus nagsabat sa iya, Bulahan ikaw, Simon Bar-Jonas: kay wala pag-ipahayag ini sa imo sang unod kag dugo, kundi sang akon Amay nga yara sa langit” (Mateo16:15-17).

Però sang ulihi, sa Iya pamilinbilin kay Pedro, ang Ginuo naghatag sa iya kag sa aton sang giya sa matuod-tuod nga pagbag-o kag sa pagpadayon sinang pagbag-o sa bilog nga kinabuhi. Si Jesus nagsiling: “Kag kon ikaw maglisoi liwat, palig-oná ang imo mga kauturan” (Lucas 22:32).

Si Jesus nagpanudlo kay Pedro nga may daku pa gid nga pagbag-o nga labaw pa sangsa pag-angkon sang panaksihon agud makapanumdum, makabatyag, kag maka-akto bilang isa ka matuod-tuod nga nabag-o nga mga disipulo ni Jesucristo. Amo ina ang daku kaayo nga pagbag-o nga aton ginapangita. Kon maangkon naton ini, kinahanglanon naton inang pagbag-o nga magpadayon tubtob sa katapsan sang aton kabuhi. (tan-awa sa Alma 5:13-14).

Nakahibalo kita gikan sa aton kaugalingon nga inagihan kag sa pagpanilag sa iban nga ang pag-angkon sang

pila lang ka dalagko nga mga tinion sang espirituhanon nga gahum indi mangin bastante. Ginpanginwala ni Pedro nga kilala niya ang Manluluwas bisan pa nga nakabaton na sia sang panaksihon paagi sa Espiritu nga si Jesus amo ang Cristo. Ang Tatlo ka mga Saksi sang Libro ni Mormon nakabaton sing direkta nga panaksihon nga ang Libro ni Mormon pulong sang Dios, pero sang ulihi naghuyang sila sa ila ikasarang nga itib-onig si Joseph Smith bilang Propeta sang Simbahan sang Ginuo.

Kinahanglanon naton ang pagbag-o sa aton mga tagipusuon, kasubong sang ginlaragway sa libro ni Alma: “Kag sila tanan nagpahayag sa katawhan sang amo man nga butang—nga ang ila mga tagipusuon nagbag-o; nga wala na sila sing luyag nga maghimo sang malain”. (Alma 19:33; tan-awa man sa Mosias 5:2).

Ang Ginuo nagtudlo sa aton nga kon matuod-tuod kita nga nabag-o sa Iya ebanghelyo, ang aton mga tagipusuon magaliso gikan sa maiya-iyahon nga mga buluhaton pakadto sa pag-alagad agud itib-onig ang iban sa ila pagpadulong sa kabuhi nga wala katapsan. Agud maangkon inang pagbag-o, sarang kita magpangamuyo kag maghimulat nga may pagtuo agud mangin bag-o nga tinuga nga nangin posible tungod sang Pagpasag-uli ni Jesucristo.

Mahimo kita magsugod sa pagpangamuyo agud maangkon ang pagtuo nga maghinulsol sang pagkamaiya-iyahon kag agud maangkon ang ikasarang nga mag-ulikid sa iban labaw pa sangsa aton mga kaugalingon. Sarang kita

magpangamuyo para sa ikasarang nga ipaiway ang bugal kag kahisa.

Ang pangamuyo mangin yabi man sa pagbaton sang dulot sang paghigugma para sa pulong sang Dios kag sang paghigugma kay Cristo (tan-awa sa Moroni 7:47-48). Ining duha magkaupod. Sa aton pagbasa, pagbinagbinag, kag pagpangamuyo parte sa pulong sang Dios, magatubo ang aton paghigugma diri. Ang Ginuo nagabutang sini sa aton mga tagipusuon. Sa aton pagbatyag sinang paghigugma, mas magadugang ang aton pagpalangga sa Ginuo. Upod sina, magaabit ang pagpalangga para sa iban nga mga tawo nga kinahanglan naton agud mapabakod yadtong mga ginabutang sang Dios sa aton alagyan.

Halimbawa, mahimo kita magpangamuyo agud mahibaloan kon sin-o ang mga luyag sang Ginuo nga tudloan sang Iya mga misyonero. Ang full-time nga mga misyonero mahimo magpangamuyo nga may pagtuo agud mahibaloan paagi sa Espiritu kon ano ang ipanudlo kag ipanaksihon. Mahimo sila magpangamuyo nga may pagtuo agud ang Ginuo magapabatyag sa ila sang Iya pagpalangga sa tanan nga ila makilala. Ang mga misyonero indi makadala sang tanan nga ila makilala sa mga tubig sang bonyag kag sa dulot sang Balaan nga Espiritu. Pero mahimo nila mangkon ang Balaan nga Espiritu bilang kaupod. Paagi sa ila pag-alagad kag sa bulig sang Balaan nga Espiritu, ang mga misyonero, sa husto nga tion, mabag-o sa ila mga tagipusuon.

Inang pagbag-o masulit sing liwat-liwat kon sila kag kita magpadayon sa pag-akto sa bug-os naton nga kabuhi nga may pagtuo agud pabakuron ang iban sa ebanghelyo ni Jesucristo. Ang pagbag-o indi mangin isa lang ka hitabo ukon isa ka butang nga magaluntad sa isa lang ka tion sang kabuhi kundi mangin isa ka dalayon nga proseso. Ang kabuhi sarang mangin mas masanag tubtob sa perpekto nga adlaw, kon san-o makita naton ang Manluluwas kag masalapuan nga nangin pareho na kita sa Iya. Ang Ginuo naglaragway sa proseso sa sini nga paagi: "Inang iya sang Dios kapawa; kag sia nga nagabaton sang kapawa, kag nagapadayon sa Dios, nagabaton sang dugang nga kapawa, kag inang kapawa nagasanag kag nagasanag tubtob sa perpekto nga adlaw" (D&C 50:24).

Ginapromisa ko sa inyo nga posible ina nga matabo sa tagsa sa aton.

PAGTUDLO GIKAN SA SINING MENSAHE

Si Elder David A. Bednar sang Korum sang Napulo'g Duha ka mga Apostoles naggamit sang "parable of the pickle" (paanggid sang binuro) agud itudlo nga ang pagbag-o isa ka dalayon nga proseso kag indi kis-a lang nga hitabo: "Linya sa linya kag prinsipyo sa prinsipyo, amat-amat kag halos indi lang matalupangdan, ang aton mga motibo, aton mga huna-huna, aton mga pulong, kag aton mga binuhatan mangin santo sa pagbuot sang Dios." ("Ye Must Be Born Again," *Liahona*, Mayo 2007, 19). Huna-hunaa ang pagrepaso sang parable of the pickle upod sa inyo ginatudloan. Ano ang mahimo sang tagsa sa aton agud makasulong sing dalayon sa inanay nga proseso sang pagbag-o nga alangay ginahambal ni Pangulong Eyring kag Elder Bednar?

LAMHARON

Ang Akon Pagbag-o sang Tagipusuon Ni Dante Bairado

Sang una ko nabatian ang parte sa ginpanumbalik nga ebanghelyo ni Jesucristo, nabatyagan ko ang Espiritu nga nagpanaksihon sa kamatuoran sini. Paagi sa pangamuyo, ang akon panaksihon nangin mas pat-od, kag nagdesisyon ako nga magpanbunyag.

Wala madugayi pagkatapos sang akon bonyag, ang mga tawo sa akon ward nagsugod sa pagpamangkot sa akon kon ano ang akon balatyagon parte sa pag-alagad sa misyon. Sa pagkamatuod, wala ako makahibalo kon ano gid ang akon ihambal. Ang panumduman nga biyaan ko ang akon pamilya kag pag-eskwela agud mag-alagad sa misyon daw wala sa rason.

Dayon isa ka adlaw ginpanumdum ko ang parte sa akon pagbag-o. Nadumduman ko ang mga misyonero nga nagtudlo sa akon, nga pasensyoso nga nagsabat sang akon mga pamangkot kag nagbulig sa akon nga maintiendihan ang ebanghelyo. Narealisar ko nga kon wala ang ila bulig, wala ko gid kuntani masalapuan ang matuod-tuod nga Simbahan. Sa tion nga narealisar ko ato, ang kaluyag nga mag-alagad nagtubo sa akon tagipusuon. Mabatyagan ko ang Espiritu nga nagahambal sa akon nga dapat ako mag-alagad sa isa ka full-time nga misyon.

Nakahibalo ako nga ang buluhaton pangmisionaryo
amo ang buluhaton sang aton Langitnon nga Amay
kag makabulig kita dala sang mga kalag sa halangdon
nga ihibalo sang ginpanumbalik nga ebanghelyo.

Ang tagsulat nagaistar sa Fortaleza, Brazil.

MGA KABATAAN

Tugoti ang Imo Panaksihon nga Magbanaag

Ang pag-angkon sang panaksihon pareho sa pag-dabok sang kalayo. Kasubong nga kinahanglan naton magdugang sang kahoy agud magpadayon nga nagadabadaba ang kalayo, dapat kita magpangamuyo, maghinulsol, mag-alagad sa iban, magtuon sang balaan nga mga kasulatan, kag magtuman sang mga kasuguan agud mabuligan nga magbanaag ang aton mga panaksihon.

Agud makatuon sing dugang kon paano mapatubo ang inyo panaksihon, basaha ang tagsa ka balaan nga mga kasulatan nga nalista sa idalom. Magdrowing sang kalayo nga may lima ka dalagko nga mga sagrab. Kolori ang isa ka sagrab sa tagsa ka balaan nga kasulatan nga inyo nabasa. Mas madamo nga balaan nga mga kasulatan ang inyo nabasa, mas masanag ang kalayo—kag ang inyo panaksihon!

Mosias 2:17

Alma 5:46

Alma 32:27

3 Nefi 15:10

Juan 5:39

© 2015 iya sang Intellectual Reserve, Inc. Tanan nga kinamatarong gina-huptan. Ginbalhag sa Pilipinas. Petsa sang pagtugot sa Ingles: 6/14. Petsa sang pagtugot sa paglubad: 6/14. Paglubad sang *First Presidency Message, February 2015*. Hiligaynon. 12332 861



Mga Kinaiya ni Jesucristo: Wala sing Sala

Tun-i sing mainampuon ining materyal kag magpangamuyo agud mahibaloan kon ano ang ipaambit. Paano ang paghangop sa kabuhi kag misyon sang Manluluwas makapadugang sang inyo pagtuo sa Iya kag magabugay sa ila nga inyo ginabantayan paagi sa visiting teaching? Para sa dugang nga impormasyon, mag-log on sa reliefsonline.lds.org.

Pagtuo, Pamilya, Bulig

Kabahin ini sang sunod-sunod nga mga Mensahe sa Visiting Teaching nga nagapakita sang mga kinaiya sang Manluluwas.

Ang aton Manluluwas, si Jesucristo, amo gid lang ang isahanon nga makasarang maghimo sang pagpasag-uli para sa tanan nga kawuhan. “Si Jesucristo, ang Cordero nga wala sing dagta, mabinulut-on nga naghalaad sang Iya kaugalingon sa altar sang sakripisyo kag nagbayad sang bili sang aton mga sala,” siling ni Pangulong Dieter F. Uchtdorf, Ika-duhang Manuglaygay sa Unang Panguluhan.¹ Ang pag-intiendi nga si Jesucristo wala sing sala makabulig sa aton nga magdugang ang aton pagtuo sa Iya kag magtinguhua nga tumanon ang Iya mga kasuguan, maghinulsol, kag mangin putli.

“Si Jesus . . . isa ka persona sang unod kag espiritu, pero wala Sia nagpadaug sa pagsulay (tanawa sa Mosias 15:5),” siling ni Elder D. Todd Christofferson sang Korum sang Napulo’g Duha ka mga Apostoles. “Makadangop kita sa Iya . . . bangud nakahangop Sia. Nahangpan Niya ang kabudlayan, kag nakahibalo man Sia kon paano daugon ang away. . . .

“. . . Ang gahum sang Iya Pagpasag-uli makapanas sang mga epektu sang sala sa aton.

Kon maghinulsol kita, ang Iya nagapasag-uli nga grasya nagapakamaraturung kag nagatinlo sa aton (tan-awa sa 3 Nefi 27:16-20). Daw kasubong lang ini nga wala kita nagpadaug, nga wala kita nag-ampo sa tentasyon.

“Sa aton pagtinguhua sa kada adlaw kag kada semana nga sundon ang alagyan ni Cristo, ang aton espiritu nagapahayag sang iya pagkahalangdon, ang inaway sa aton kaugalingon nagatahaw, kag ang mga tentasyon nagauntat sa pagtublag.”²

Dugang nga Balaan nga mga Kasulatan

Mateo 5:48; Juan 8:7;
Mga Hebreo 4:15; 2 Nefi 2:5–6

Gikan sa Balaan nga mga Kasulatan

Ang Manluluwas nagbayad sang bili para sa aton mga sala paagi sa Iya diosnon nga Pagkaanak, Iya kabuhi nga wala sing sala, Iya pagantus kag ang pagpaagay sang Iya dugo sa Hardin sang Getsemani, Iya kamatayon sa krus kag Iya Pagkabanhaw gikan sa lulubngan. Paagi sa Pagpasag-uli ni Jesucristo, mahimo kita mangin matinlo liwat sa aton paghinulsol sang aton mga sala.

Si Haring Benjamin nagpanudlo sa iya katawhan parte sa

Pagpasag-uli ni Jesucristo kag dayon nagpamangkot kon nagapati sila sa iya mga pulong. “Kag sila tanan nagsinggit sa isa ka tingug, nga nagasiling: . . . ang Espiritu . . . naghikot sang isa ka dako nga pagbag-o sa amon, ukon sa amon mga tagipusuon, sa bagay nga wala na kami sing huyog nga maghimo sing malain, kundi dalayon nga maghimo sing maayo. . . .

“Kag nakahanda kami sa pagsulod sa isa ka kasugtanan upod sa amon Dios sa paghimo sang iya kabubut-on, kag mangin matinumanon sa iya mga kasuguan sa tanan nga mga butang.” (Mosias 5:1-2, 5).

Kita man makaangkon sang “dako nga pagbag-o” pareho sang mga katawhan ni Haring Benjamin, nga “wala na sing huyog nga maghimo sing malain, kundi dalayon nga maghimo sing maayo” (Mosias 5:2).

MGA TANDA

1. Dieter F. Uchtdorf, “You Can Do it Now!” *Liahona*, Nob. 2013, 56.
2. D. Todd Christofferson, “That They May Be One in Us,” *Liahona*, Nob. 2002, 71.

Binagbinaga Ini

Paano ang pagkaputli tuhay sa pagkahimpit?